

Fylkeseldrerådet i Vestland har handsama budsjettframlegget for 2020. På grunn av kort tid til møte i fylkestinget har vi ikkje kunne teke dette i eit møte, men har måtte handsame det via e-mail. Rådet vil gje slik uttale:

Den kulturelle spaserstokken.

Vi registrerer at det er avsett 3,980 mill kroner til Den kulturelle Spaserstokken. Rådet er opptatt av at heile løyvinga vert gitt til kommunane på bakgrunn av søknader og at ikkje noko vert nytta til administrasjonsutgifter. Rådet ønskjer å delta i prosessen med å fordele midlane til kommunane.

TT-ordninga for Vestland fylkeskommune.

Vi registrerer at Finansutvalet har vedteke at ein skal ha ein gjennomgang av ordninga i 2020, men at den skal halde fram i 2020 og skal også kunne nyttast til arbeidsreiser. Det er også rådet sitt syn. Rådet vil gjerne delta i arbeidet med å gjennomgå ordninga i 2020 t.d. som medlem i arbeidsgruppe e.l.

Serviseskyssen, sevicelinja i Bergen og «Hent meg» prøveprosjekt i Odda.

Rådet meiner desse ordningane må oppretthaldast minst på dagens nivå. I utgangspunktet burde løyvinga aukast, slik at fleire kommunar i Vestland kunne få ta del.

Vi har registrert at Finansutvalet har vedteke at det skal utførast eit arbeid med å sjå på samordning av desse tilboda. Ordningane må halde fram som no i heile 2020. Rådet ønskjer å kunne bidra i ein gjennomgang som t.d. medlem i arbeidsgrupper e.l.

Budsjett for Fylkeseldrerådet Vestland.

I budsjettet for 2020 er det avsett kr. 515.000,- til drift av rådet i 2020. Dette verkar lavt sett i høve til reiseavstandar i Vestland fylkeskommune og dei oppgåver rådet har, t.d. i koordineringsgruppa for «Leve heile livet», i fylkesmannen sin regi. Vi viser også til tidlegare innsendte framlegg frå dei 2 tidlegare fylkeseldreråda i forkant av budsjetthandsaminga.

Generelt.

Rådet er også opptatt av folkehelsearbeidet, og at det må ha høg prioritet. Bygging av gang- og sykkelveggar er eit slikt tiltak som er nemnt i Folkehelsemeldinga og i Leve heile livet reforma

Vi er også opptatt av at universell utforming må vere ivaretatt i alle samanhengar.